



2020 yil «7 » октабр

1087-з - sonli

Ishtixon sh.

**Туманда ижтимоий муҳофазага мухтоҷ, иш топишда қийналаётган шахсларни
ишга жойлаштириш учун иш ўринлари 2021 йил учун банд қилиб қўйиш
тўғрисида**

Ўзбекистон Республикаси “Ахолини иш билан таъминлаш тўғрисида”ги Конунининг 14 моддаси (Ўзбекистон Республикаси Олий Мажлисининг Ахборотномаси, 1998 й, 5-6-сон, 97-модда, “Ўзбекистон Республикасида ногиронларни ижтимоий химоя қилиш тўғрисида”ги Конунининг 25-моддаси (Ўзбекистон Республикаси конун хужжатлари тўплами, 2008 йил 29-30-сон, 277-модда) ҳамда Ўзбекистон Республикаси Вазилар Маҳкамасининг 2017 йил 5 декабрдаги 965-сонли “Ижтимоий муҳофазага мухтоҷ, иш топишда қийналаётган ва меҳнат бозорида тенг шартларда ракобатлаша олмайдиган шахсларни ишга жойлаштириш учун иш ўринларининг энг кам сонини белгилаш ва захирага қўйиш тартибини янада такомиллаштириш чора-тадбирлари тўғрисида”ги Қарори ижросини таъминлаш максадида туман худудида жойлашган корхона, ташкилот ва муассасаларда иш ўринларини энг кам микдорини белгилаш юзасидан таклифларни инобатга олиб;

ҚАРОР ҚИЛАМАН:

1.Ўзбекистон Республикасининг “Ахолини иш билан таъминлаш тўғрисида”ги Конунининг 17-моддасига асосан ижтимоий муҳофазага мухтоҷ, иш топишда қийналаётган ва меҳнат бозорида тенг шартларда ракобатлаша олмайдиган шахсларни ишга жойлаштириш учун иш ўринларини банд қилиши лозим бўлган тумандаги корхоналар, ташкилотлар ва муассасалар рўйхати иловага мувофик тасдиқлансин.

2.Қайд килинган корхоналар, ташкилотлар ва муассасалар қуидаги ижтимоий муҳофазага мухтоҷ, иш топишда қийналаётган ва меҳнат бозорида тенг шартларда ракобатлаша олмайдиган шахслар тоифалари учун иш ўринларини банд қилиб қўйишни таъминласин.

-ўн тўрт ёшгача болалари бўлган ва ногирон болалари бўлган ёлғиз ва кўп болали ота-оналар учун 31,0% фоиз (69 қиши);

-умумий ўрта маҳсус, касб-хунар таълими муассасаларини тамомлаган ёшлар, шунингдек, олий таълим муассасаларининг давлат грантлари бўйича таълим олган битирувчилари 54,5% фоиз (126 қиши);

-Ўзбекистон Республикаси Қуролли Кучлари сафларидан муддатли ҳарбий хизматдан бўшатилган шахслар 7,4 % фоиз (11 қиши);

-ногиронлар учун 2,9 % фоиз (9 қиши);

-пенсия ёшига яқинлашиб қолган шахслар учун 2,0% фоиз (5 қиши);

-жазони ижро этиш муассасаларидан озод қилинган ёки суднинг қарорига кўра тиббий йўсингдаги мажбурлов чоралари кўлланилишидан озод қилинган шахслар 1,6 % фоиз (**2 киши**);

-одам савдосидан жабрланган шахслар учун 0,4 % фоиз (**1 киши**).

3. Корхона, ташкилот ва муассасалар раҳбарларига ижтимоий муҳофазага мухтож, иш топишда қийналаётган ва меҳнат бозорида тенг шартларда ракобатлаша олмайдиган шахсларни иш билан таъминлаш учун 2020 йил якунланишидан 10 кун олдин квота иш жойлари умумий миқдорининг камидаги 25 фоизи учун 2021 йилнинг 10 апрелидан кечикмай иш жойларининг колган 75 фоизини барпо этиш (ажратиш ёки банд қилиб қўйиш) тўғрисидаги, яъни ҳар бир квота тоифаси бўйича иш ўринлари банд қилиб қўйиладиган касблар ва лавозимлар, мутахассисликлар кесимидағи маълумотларни ва қарор бўйича чиқарилган буйруқ нусхаларини Аҳоли бандлигига кўмаклашиш марказига тақдим этиш вазифалари юклатилсин.

4. Корхона, ташкилот ва муассасалар раҳбарлари ижтимоий муҳофазага мухтож, иш топишда қийналаётган ва меҳнат бозорида тенг шартларда ракобатлаша олмайдиган шахслар учун иш жойларини кўрсатиб ўтилган миқдорини Ўзбекистон Республикаси Вазирлар Махкамасиниг 2017 йил 5 декабрдаги 965-сон Қарори билан тасдиқланган “Ижтимоий муҳофазага мухтож, иш топишда қийналаётган ва меҳнат бозорида тенг шартларда ракобатлаша олмайдиган шахсларни ишга жойлаштириш учун иш ўринларининг энг кам сонини белгилаш ва заҳирага қўйиш тартиби тўғрисида”ги Низомига (кейинги ўринларда Низом деб аталади) мувофиқ белгиланган муддатларда ва тартибда заҳиралаб қўйилишини (ажратилишини ёки банд этиб қўйилишини) хамда иш жойлари санитария, гигиена нормаларига ва ходим ўз мажбуриятларини бемалол бажаришини таъминлайдиган меҳнат шароитларига мувофиқ бўлишини таъминласинлар.

5. Ушбу қарор ижроси бажарилмаган тақдирда корхона, ташкилот ва муассасаларнинг мансабдор шахслари амалдаги конун ҳужжатларида белгиланган тартибда жавобгарликка тортилиши кўрсатиб ўтилсин.

6. Низом талабига асосан ижтимоий муҳофазага мухтож, иш топишда қийналаётган ва меҳнат бозорида тенг шартларда ракобатлаша олмайдиган шахсларни ишга жойлаштириш учун иш ўринларини туман ҳокими томонидан белгиланган миқдоридан ортиқча ташкил этган ташкилотлар ушбу ўринларни ташкил этишга сарфланган маблағларининг бир кисмини Марказ билан тузилган шартнома асосида Аҳоли бандлигига кўмаклашиш жамғармаси маблағлари ҳисобидан коплаш ҳукуқига эга эканликлари инобатга олинсин.

7. Марказ директори (Ш.Ахмедов) беш кун муддатда мазкур қарорни тегишли корхона, ташкилот ва муассасалар раҳбарларига етказсин хамда унинг бажарилиши устидан қатъий назоратни таъминласин.

8. Туман ҳокимининг 2019 йил 25 сентябрдаги “Ижтимоий муҳофазага мухтож ва иш топишда қийналаётган шахсларни ишга жойлаштириш учун иш ўринларини 2020 йил учун банд қилиб қўйиш тўғрисида”ги 6812-Қ-сонли қарори 2020 йилнинг 31 декабридан ўз кучини йўқотган деб ҳисоблансин.

9. Мазкур қарор расмий эълон килинган кундан эътиборан кучга киради.

10. Ушбу қарорнинг бажарилишини  назорат қилиш туман ҳокимининг биринчи ўринbosари Ш.Ибрагимов зиммасига юклатилсин.

Иштихон туман ҳокими

Ш.Негматов